


Ilaovaleayok Ikalolikinikun Monagoyotinik Oplaogaeyaon

Ikaloktuteami Ikalokpiknik Neovgutikhanik Ikalokheoknik

Atulikneaktok 2014-mi



Ikalokpik

Piyotaoyok una Ilaolikhimayok Ikalolikinikun Monagiyotinun Opalogaeyaon (IFMP-goyok) tikoakhiyaagani piyotaolokatun atugeakaktaelo Ikaloktuteami Ikalokpiknik neovgutikageagani ikalokheoknik, monagiyotinulo piyotin atoktaoneaktun iniktigeagani uko a piyotaoyun. Una makpigak tohaktiyutaoyoklo hivonikhiytikhanik ikalokheoknikun managiyuhelo Ikalolikiyin Takyomeotaniklo Kanatami (DFO-kon) havaktenik, Nunavumi Angutikhanik Monaginikun Katimayin (NWMB-kon), Angunahoaktin Nanigeaktoktilo Timeoyun (HTO-kon), Nunanilo Angutikhalikiyin Timeoyun (RWO-kon), neovigakhanik ikalokheoktin, nunagiyaoyunetun ahelo ilaojun. Una IFMP-goyok piyotayok kaoyimatkiyoligeagani ilaojun okaohigiyen monagiyotinun ihomaleogutaoyun, piyotaoyoklo tamaenin tukiheatagutinik ukuniga “maligakhanik” nugugitaagani monagiyuhene Ikalokhoeknikun ihoakotin.

Una IFMP-goyok maligatigun togeakagitok ihoakun piyotaolaktok maligatigun akigaktutaoyomik. Una IFMP-goyok ihoahalaktok ihomakun kiheani mikhivaaligutaogitok Ministaoyum ihomamigun ayogiyotini okaotaoyun *Ikalolikinikun Maligakyoami*. Ministaoyok, nugugitaagani, aalamiklunen piyotaoteaktomik, ihoakhaelaktok pivikhakakniginik IFMP-metun atoklogin ayogiyotin toniyaohimayun iloanetun *Ikalolikinikun Maligakyoami*.

DFO-kon havaakakata atokpaleanigagun atugeakaktun iloani nuntaknikun agikatigegutaoyumi, IFMP-goyok atoktaolikneakok nalaomaniginik piyotinik uko a havaagiyaoageakaktun. IFMP-goyok nalaomaginikan havaagiyaoageaktonik ilagani Nunatakniikkun agikatiagegutaoyum, pivikhakaknigin nunatakniikun agikatigegutaoyumetun atoktaoloakneakun tamaeni ihoeliyotimi.

S. Gilbert, Aviktokhimayoni Hivolikhokti, Kitikmeoni Ukeoktaktomilo Nunami
Ikalolikiyin Takyomeotaniklo Kanatami

1. KANOGINIGA IKALOLIKINEOM

Ikalokpen takukhaoginaktun humilikaa Kanatami Ukeoktaktomi. Takonaktun tamaeni takyoleayoetoni (takineginaktun) takyoleakpaktunilo, uko takukhaovaktun amigaetoni kukani tattinilo Kelingoyakmi, kanitoani Nunagiyaoyum Ikaloktuteam.

Malguyuyaaktuk neovgutikhakheokveoloaktuk Ikaloktuteam haneani. Uko imakaknigin kaoyimayaoyun ataoherenaogitomik atikmik, ukoalo Inoenaktun Kavalonatulo atenik, maliganilo atenik atoktaoyun NWT-mi Ikalolikinikun Maligoagakhani (takolugu Naonaepkun 1).

Naonaepkun 1. Neovgutikhakheokveoyun imavaloen Ikaloktuteam haneani.

Inoenaktun Nunagiyaoyomi Atea	Kavlonaatun Nunagiyaoyomi Atea	Kavlonaatun Maligatigun Atea¹
Ikaluktuk	Wellington Bay	Ekalluk River
Halukvik	Thirty-Mile River	Halovik River
Palikyoak	Surrey River	Paliryuak River
Jayko Kuga	Jayco River	Jayco River, Albert Edward Bay
Palik Kuga	Lauchlan River	Lauchlan River (Byron Bay)

Piyotikaktomik umiga IFMP-mi, tamaeta taya Ikalopiknik neovgutikhakveokveoyun imavaloen Ikaloktuteami haneani ataotimun okaotaoneakun “Ikaloktuteami Ikalopiknik neovgutikhanik ikalokheokviknik”. Monagiyotikanun, atuni neovgutikhakheokveoyun imavaloen ihomagiyaoyun ilikun monagiyaooniginik.

Neovgutikhanik ikalokheoknik, ihomagiyaoloaktok uvani IFMP-mi, pihimayaan nunagiyaoyomi Inoenaknin ikalokheoktinin ataotikun aolanigagun ikayokteoyun Kitikmeoni Nikilikivik, neovgutikhanik nikilikivik Ikalopiknik umikmakniklo.

Nunagiyaoyok Ikaloktuteak hivogaanetok hinaani Kelinguyam Kanatami Ukeoktaktomi Kigktani. Ikaloktuteak inugeaknikhaoyok Kitikmeoni Nunami ([Titigaoyakniga 1](#)). Ikalokheokpaktun talvani kanitoanilunen aalatken kukan ikaloknahoakhogin atpani (upingaami) kulaanilunen (ukeokhami) mayuyun. Ukeoni, aalatken nunan kagugugaagan ikalokheokveovaktun (takologo Oegoa 1 nunaoyami taemani inituklen). Taya neovgutikhanik ikalokheokvoeloaktun Ikaloktumi, Palikyoami, Halokvikmi, Jayko-milo kukami. (Takologo [Titigaoyak 2](#) nunaoyami taya neovgutikhanik ikalokheokvoeyun nunan).

¹ Maligatigun Atigiyaooyun neovgakhanik ikalokheokveoyun imavaloen atoktaoyun Ataotinetun I-mi Naonaepkotimi V-mi, *Nunateami Ikalolikinikun Maligoagakhani*.

ATANIKTOEYUTIN

Ikaloktuteami Ikalokpiknik neovgutikhanik ikalokheoknik monagiyaalo Nunavumi Angutikhalikiyin Katimayinin (NWMB-konin), Ikaloktuteamilo Angunahoaktin Nanigeaktoktilo Timeoyomin (EHTO-konin), Ikalolikiyinilo Takyomeotaniklo Kanatami (DFO-konin), malikhogin Nunavumi Nunataknikun Agikatigegutaoyok, *Ikalolikinikulo Maligakyoak* maligoagakhalo talvanetun. NWMB-kon ihoakotaoloaktok angutikhanik monagiyotinik Nunavumi Nunatakveoyomi, Ministoayok pihimaenagaloaktilogoo ataniktutiloamik monagiyotiniklo angutikhanik nugugitaaganilo ikaloen.

Ikaloktuteami Ikalokpiknik neovgutikhanik ikalokheoknik maligoagakhakaktitaa *Ikalolikinikun Maligakyoam* (R.S., 1985, c. F-14-metum) maligoagakhalo piyotikaktonik umiga, unalo *Ikalolikinikun (Kituniklikaa) Maligoagakhan* unalo *Nunateami Ikalolikinikun Maligoagakhan*. Ayikeginigin pikaknikan ukuknakni maligoakhakni Nunavumilo Nunataknikun Agikatigegutaoyomi, Agikatigegun atoktaoloakneakok ayikegiyotaoyomi maligoakhani.

DFO-kon atulikhimayun Atokhimagineageagani Ikalokheoknikun Kanoginiganik tamaeni Kanatami Ikalokheogutini piyotaoyun hivunikhami atokhimagineageagani, manikhakheogutigiteageagani, ihoakhivaaligutilo ataniktutinun Kanatami ikalolikiyotinik atogeagani. Nugugitaagani Ikalokheoknikun Knaoginiganik pikakan pitkohiknik atuligeagani avataoyomun piyotikaktomik ikalolikinikun monagiyotin, ilalo *Ikalokheoknikun Ihomaleogutaoyunik Kaniginikhaanik ilaleotilogo Amigiteagutinun Pitkohik, Monagiyaagani Aktognigin Ikalokheokneom Kumaguvaloen Natkanimoetan, Ikalokaknigin Kanogitunigilo* unalo *Pitkohik Monagiyaagani Ikaloktaovaktun*.

Agiktaotaaktilogoo Nunavumi Nunataknikun Agikatigegutaoyok 1993-mi, tamaeta atoktun pitaeloyotin amigaenigilunen angutikhan angunahoaktaolaktun Nunavumi Nunatakveoyomi aolagitun ihomagiyaovlotiklo havihimayaenik NWMB-kon. Ukoal maligoagakhani pivikhaknigin tungaveeginaktun maligoagakhani monagiyotinilo Ikaloktuteami Ikalokpiknik neovgutikageagani ikalokheoknikmi, piyageakaknigin aheniklo ukunanga:

- Laeseoyok neovgutikhanik ikalokheogeagegani Ikalokpiknik imavalokni tikaoktaoyun Naonaepkotimi V-mi *Nunateami Ikalolikinikun Maligaoyuni*
- Monagiyotikhan, ukoalo ikalokheogutin atulimagitun, ila nugugitaagani aguyakhan
- Piyageakakniga ilipkamayaagani naonaepkotin okaklogilo anguyaoyounik hivonikhiyotin

Atognigan ukeok DFO-kon havakatikapaktun ikalokheoktinik, Kitikmeoni Nikilikivikmi, HTO-kon tigoakhiyaagani atokaagumayaen monagiyotinun hulilogagutin maliteageagegani *Ikalolikinikun Maligakyoak* atogeakaktulo maligoagakhan. Monagiyotinun ihomagiyaoyun atoteaknikulo ihomalutaoyun ihoakhagaovaktun ikalokheoktilogin hivoanilo kigoanilo ila kati-matilogin, ayoknaetkaagalo. Ilalo, Kitikmeoni Nikilikivik ikalokheoktukhanik katimapkaevaktun ikalokheoligeaktinagun okaohigyaagani ihomagiyaoyun havaagilgaagumayaelo.

Una IFMP-goyok ihoakhakhimayok atoktaokhaageagani makpigaak, titigakhimayok taema atoknikaenakloni hivituvyaktomik, ihulilvikhaanik uploa pihimagitok. Kagugugaekpan ihivgoektaonigagun IFMP-mi Ihoakhaeyinin Havakatigenin ilaoyonilo, kanogilinigin nutaaguktiknigilo toniyaoneakun NWMB-konun Ministayoymulo Ikalolikinikun Takyomeotaniklo ila agiktaoyaagani, piyageakaligaagan.

2 NAONAEYAENIK, IGILGAAN KAOYIMAYAEN IKALOGEAKNIGILO ILITOKHAKNIGIN

IKALOGEAKNIGANIK KANOGINIGIN

Ikalokpenk takuhaojun humilikaa Kanatami Ukeoktaktomi kigiktanilo Ukeoktaktomi Kigiktavalokni, tatineginakhotik ilagin takyomugaovakhotiklo ilagin Nigilogakpaktun ikalguni hinaani aoyami hitamanin enun Saneonikni utiktinagin tatinun. Ikaloktuteami neovgutikhanik ikalokheokpaktun paagani kukan, upingamilunen, takyoleaktun (July) nigliyaktoktun kulaanilo paagata kukan, ukeakhamilunen, mayoaktunik (kitkanin nugulikniganun August atulihaliktilogolo September) tahiknugaoyonik ukeyaamikni

Huvatik iglikni anitpagaen tatini ukeakhami, September-mi October-milunen, oyagaleani. Ikaloktuteami ila, kitikmeoni Kanatami Ukeoktaktomi humilikaa, huvatik anitpagaen tatini, ila amigaenikhan kukan hikuvakmata natkanun ukeomi Pikaginiga hovakaktun ukeakhami kulaani mayoaktun ilitoginaktok piyoetun, amigaenikhani, takyoleakpaktun aoyami hovaniktinagin. Ikklikni hovaeyaktaagagamik, Ikalokpen aolayoetun tatini ukeyamikni atoligeaktinago nagineagutigiyaktik nutpaleanigin takyomun upingaatkikman.

Ilitokhaotin okaktun naloyaoyunik ikalokaktok akungani kukanilo, ahinugaokataknigilo tamaeni neovgutikhakheokveoyun imavaloen pivaktun

Monagiyotinik piyotini, tamaeta Ikalokpen talvanetun imakmi ataotitun monagiyakhatun itun, iliguktun Ikalokpiknin aheni imavalokni. Pikaginigagun hivonikhiutikhaloan ikaloen kanoginik, ukpigiyaoyok piyotaoyok aginikhamik hapomiyotaoyok tamaenun nunami . Una taemanin monagiyohoeoyok Ikaloktuteami Ikalokpiknik neovutikhanik ikalokheoknikmi, uplomimulo atokhimaginaktok.

Ikitun ahenik ikaloktaoyun Ikaloktuteami Ikalokpiknik neovgutikhanik ikalokheoknikmi ila ikaloktaoloakgumayun ikalokheogutilo piyotikakmata. Ilagin ikaloktaoyun pihimayaoyun neovgutikhanik ikalokheoktilogin nigliyaovaktun ikalokheoktinin takmakveni. Haputini ikalokheoktoni, tamaeta ikalokataoyun Ikalokpeogitun aolaktitaovaktun anikhimaetomik. Ahenik ikaloktaoyun aktoknikakpalaagitok avataoyomi umayonik.

TAEMANI NUNAOYONIK KAOYIMAYAOYUN

Ikaloktuteam hanea ikalokheokveokhaktok taemanin. Inoen Ikaloktuteami katitigihimaliktu taemanin nunami avataoyomiklo kaoyimateaknigiyamiknik tungavigiteakhogilo inuyuhikmikni piyotikaktonik nikikanun ikiklivaleaniginulo humilikaa nunani. Unaloak, Ikaloktuk titigaktaoteakhimayok kanoginiganin taemani igilgaan nunanik kaoyimayaenik Ikaloktukmeon, ikayoktigen inoen ilagen nunakaktun talvani.

Inoen kaoyimayaen atoknikakhimimaginaktun monagiyotini ikalokheoknikmik, Taemani Avataoyomik Igilgaan Avataoyomik Kaoyimayaenik atoktaovaktok naonaeyaotini kaoyimayaoyonik ihoateaktoni ikalolikinikun ihomaleogutaoyonik pivaleaniganiklo naonaeyaotinik ilitokhnigagun ikalokheoknikmiklo monagiyotinun opalogaeyao. Igilgaan Avataoyomik Kaoyimayaenik nunami Ikalokpen igligiyaen katitiktaohimayun ikayoktoeyotaenin nunagiyaoyomi iniknigin ikalokheoktilo igilgaalo kaoyimayaen ikayutaoyok hivonikhuyutikanik ihageagiyaoyonik ikayutimik kanogilinigagun ikalokakniginik neovgutikhanik ikalokheoknikujn Ikalokpiknik Ikaloktuteam haneani. Una IFMP-goyok, monagiyotinulo ihoakhaotin nakunikhalo pitkuheoyun atokniginun ikalokheogutin aolakinigilo huvalgin ikalokpen, ihoakhaktaohimayun Ikaloktuteami Ikalopilikinikun Ihoakhaeyinin okakatigivlogin nunagiyaoyonetun.

IKALUGEAKNIGINIK ILITOKHAKNIK

Iloengaomayok ikalokaknigagun ilitokhaon Ikaloktuteami Ikalokpikni inikhimayaan(2013-mi), neovgutikhanik ukumaelitaagin ihomagiyaoyun atokhimagineakagniginik tamaeni kukani. Amigaetoni ikalokakniganik ilitokhaotinun opalogaeyao ihoakhakhimaya DFO-kon, okakatigivlogin ihoakotinik atoktun monagikatigekataeniklo timeoyonik, Ikaloktuteami Ikalokpiknik neovgutikhanik ikalokheoknikmik. Piyotaoyun opalogaeoyaonmi naonaegaeagani nalaotagutin amigaeniginik ukomaenigilo, naonaegaeagani aneaginigin naonaegaeaganilo atokhimagineagani ikaloktaovaktun atuni Ikaloktumi, Palikyoami, Halokvikmi, Paalikmi, Jayko-milo kukani. Tamakmik ikalokheoknikun piyotikaktun (ukoa naonaepkotin neovutikhanik ikalokheoknikmin) ilikuktulo naonaepkotin (ukoa katitikhimayun aheanin neovutikhan ikalokheokveom) piyageakaktun ilagani opalogaeyoatim. Ikalokheoknikmin piyotikaktun naonaepkotin ilakaktun umayuvaloen naonaeyaknigin, tamaeta aguyaoyun ikaloktaoyun atuni naonaepkotikhaenik katitigutin. Ikalokheoknikmin piyotikaktun naonaepkotin huli ikayutikaktok umayuvaloknik naonaeyakniginik aguyaoyun ikaloktaoyun atuni naonaepkotikhaenik katitigutin. Ataotimun, una opalogaeoyaon piyotikhak naonaepkotinik katitigiyotinik piyotaoneaktok inikhimayomik tukiheayutikanik Ikaloktuteami Ikalokpiknik neovgutikhanik ikalokheoknikmik.

3 INUHIKMI, ILITKOHIKMI MANIKHAKHEOGUTINILO ATOKNIGIN

Ikalokpen atoknikaktun inuhiknun, ilitkohikni kanoginigani nikigiyageakakaeniklo Inoen humilikaa Kanatami. Ikaloktuteaklo kaoyimmayaoyok tae-yuheanik Inoenaktun tukikakman “Nakuyok Ikalokheokvik” takukhaoyutaovlonilo inuyuhenik taemanin ilitkohenilo ilaoniginik inoen Ikalokpelo. Ikalokpen ilaonikaktun nikiteani inoelo ilitkoheni nunagiyaoyomi – atoktitivaaligeagani igilgaa ilitkohenik inuyuheniklo, pivaknigin igilgaan nikikan, nunagiyaoyomilo inmiknik aolanikae-nageami.

Neovgutihanik agonahoaknigin Ikalokpen ikayutaoyun inuhikmi ilitkohhenilo atoktonik ilagen, payuktoevlotik nunakatigekhotiklo inuhigenakaenik amihun ikalokheoktin. 2012-mi Kitimeoni Nikilikivik havaktithimayok 28-nik nunagiyaoyomi inuknik nunatakataohimayoniklo ikayoktokhogen Ikalokpinik neovgutaoniginun ikalokheoknikmi. Neovigakhanik ikalokheoknik amigaenikhanik nunagiyaoyonin havaakhanik havitivaktun, taema ikalokheoktin inuyamikni havageamiknilo Ikalotuteami ikayoktoklotiklo nunagiyaoyomi manikhakheogutikhani atokhimaginaklotiklo ayoenigiyamiknik taemani inuyuhikmiknin.

Manikhakheogutinun ikayutin Ikaloktuteami Ikalokpiknik neovgutikhanik ikalokheoknik agiyok tamaeni nunagiyaoyomi Nunavumilo. 2012-mi, Ikaloktuteami neovgutikhanik ikalokheoknik avatkomayok 95%-mik atulaaktonik ukomaetilaaginik haneani, ataotimun 48, 134-kilogram-goyok. Taya neovaavikni akitonigin tamaenin Ikaloktuteami Ikalokpen havitaenik Kitikmeoni Nikilikiveom kanotoani \$24.09 ataozik kilogram, uvalunen \$1,159,636-talaoyok.

Kaoyimayaoyageakaktok manikhakheogutinun ikayutaoyok Ikalokpiknik aalatkekaktun ukeotoagaagan malgukni kanoginigani. Ukomaetilaagin aolaenagaloakhottik namaktomik, ukeotoagaagan aolanikun akitonigin, neovigumayaoyulo akitonigilo, aguyaamilo taman ukomaetilaagin ikaloktakhan ayikeyoetun aalagaenakpakhottik ukeotoagaagan.

4 MONAKHIYOTINUN IHOMAGIYAODYUN

Monagiyotikhaloan ihomagiyaoyun nutaagukniginik ikalokakniginik kanogaalok ikayutaoyukhanik monagiyotinun ihomaleogutinik, agoyaoyoniklo unipkaakniginik okaenakpkniginiklo aguyaoyun kanoklo ikayutaoyoni atoenakpageagani aguyaoyukhan, hivunikhamil namaenageagani neovgutikhanik ikalokheoknikmin.

IKALOGEAKNIGANIK NALAOTAAKTAOYUN

Iloengaomayun nutaan amigaeniginun nalaotagaoyun (ukomaenigelunen) ikaloelo ilitokhaknigin piyageakaktun atuni neovgutikhanik agoyaoyonik Ikalokpiknik. Nutaan ikalogeakniginun kanogitoniklo ilitokhaotin, nutaan ikalokheogutikhan neovgutikhanik Ikalokpiknik Ikaloktuteam haneani piyaolaktun. IKayogeagani ikalogeaknigin ilitokhagaoyun, tamaknik ikalokheoknikmin piyotikaktok (uko naonaepkotin katitigaoyun neovgutikhanik ikalokheoknikmin) ikalokheokneovlo aheanin ilikuktun naonaepkotin (uko katitikhimayun aheanin neovutikhanik ikalokheokneom) piyageakaktun. Hivunikhami amigiyotin, ihoakhakhimayun nalaotageagani ukeotoagaagan ikaloktaoyun unipkaklo ahenik ikalogutaoyok aolaktinigilo igitayoilo ikalokheoknikmi, ihoakhaotaohimakneakun tukiheayaagani amigaenigin kanogitunigilo ikaloen imakmeokatigen, atogeakaktok nugugitaagani monagiyohiknik Ikalokpiknik Ikaloktuteami.

IKALOKTAOYONIK OKAOHEONIGIN

Kiguvagitun, nalaomayun unipkaagutin tamaenik agoyaoyonik kanogaaloklo agonahoakmagaa ukuniga ikaloktanik atuni neovgutikhakheokveoyonin imavaloknik piyotikateaktok. Neovgutikhanik ikaloktaoyukhan ilaonetageakaktun maligakhanik ikaloktakhanik ukomaeniginik. Tuninagiknigin unipkaan piyotaoyok ataneoyonin naonaeyageagani agoyaoyun taemavikhaan kaniklivaleatilog. Kaganoak havaan uptoagaagan unipkaakpaktun neovgutikhanik aguyaoyonik ikalolikivikun. Ilageagutaani, avanmun atoktiniga monagiyotinun havaak ilaotilogin Ikaloktuteami Angonahoaktin Nanigeaktoktilo Timeoyok, Kikikmeoni Nikilikivik, DFO-kulo manikhaktitaoyok Nunavumi Hunalikaa Amigiyotinun Opologaeyaonmin 2011-min. Tamaeta neovgutikhanik ikalolikiyon taya amigyaoyun tamaenik ahivagaoyonik, neovgutikhaniklo ikaloktaoyonik, aheniklo ikaloktaoyonik, igitayoioniklo, nanminiklo inum nigyaenik.

MANIKHAKHEOGUTAOLAAMAGAA IKALOKHEOKNIK

Akitokpaleanigin akyaoitikan aktoknikakpaleayok manikhakheogutoatealaamagaa neovgutikhanik ikalokheoknik ilagini igaheaktoni kukanin, ihomagivaalagoekniginiklo inikhiyaagani nutanik neovgutikhanik ikalokheokvikhanik aheni ikalokheokvikhan. Kitikmeoni aviktokhimayomilo monagikatigen timeoyun pivaalikoehimaktun manikhakheogutinik nakuyonik ikalokaknigin aolaenageaganilo aneagitun amigaenigilo ikaloen.

5 PIYOTAOYUN

Piyotaoyun Ikaloktuteami Ikalopiknik neovgutikhanik ikalokheoknik ilagilaoktaa IFMP-m. Hivunikhami piyotaoyun tikoaktutiyaen monagiyotin ikalokheoknikmi ihomagiyaolaktoklo ikaloen nugugitaagani, avataoyok, monagiyotikatigegutin, inuhikmi, ilitkohikmi manikhakheogutinilo piyotaoyun. Atuni havonikhami piyotaoyok ikayoktoktaoyok ataozikmin amigaetkiyanilunen hivikitomik piyotaoyonin ihoakhiyaagani managiyotin taya ikalolikinikmi. Piyotaoyun titigakhimayun Naonaepkunmi ihoakhakhimayaen IFMP-mik Ihoakhaeyin Ikayoktigenin ahenilo ilaoyonin.

Naonaepkun 2. Hivunikhami tayaenaklo piyotikhan Ikaloktuteami Ikalopiknik neovgutikhanik ikalolikinikmi.

Hivunikhami Piyotikhan	Tayaenak Piyotikhan
Ikalokaenageagani	<ul style="list-style-type: none"> Nutaaguktiklogin ikalokakniginik hivonikh-yutinik okaklogilo atokhimagagineagani ikaloktakhanik kanogaalok atuni neovgutikhakheokveoyun imavaloen. Ihoakhivaaliklogin kaoyimaliktaen Ikalokpen kanoginiginik humeniginiklo. Ihoakhivaaliklogin kagugugaagan nalaomani-gilo aguyaoyun okagniginik CPUE-miklo unipkakniginik neovgutikhanik, aleahukhotik nikikhamikniklo ikalokheoktun amigyaagani tamaeta ahivagaoyun Ikalokpen. Atokoenklogin nugugitaagani ihoaktomiklo ikalokheokpageagani Ikalopiknik. Naloyaotilogin piyotikaktun amigaeniginik Ikalokpen Ikaloktuteam haneani, agohimimaginaklotik nugugitaagani pihyotikaklotik ikalokheoktun.
Avataoyok	<ul style="list-style-type: none"> Ihoakhivaaliklogo nalaomanigin initeaknigilo unipkaan ahenik ikaloktoayonik tukiheateli-geagani aalatken ikaloen imakmeokatigeknigin monagiyotilo. Atoktitivaaliklotik ikalokheoknikmik atogitonik

Hivunikhami Piyotikhan	Tayaenak Piyotikhan ihoaokhaotikagitoniklunen aktoknigagun ahenik ikaloktaovaktonik.
Monagikatigegutin	
Atoktitivaaliklotik havakatigegutinik, ilaolotik ihomaleogutikaknikmi, tamaenilo atoteakniginik ihoakotinik atoktun, monakhikatoayun timeoyun aalalo ilaoyun.	<ul style="list-style-type: none"> IFMP-mi Ihoakhaeyin katimavaklotik kagugugaekpan.. Upipkakhimaaginaklogin nunagiyaoyoni ilaoyun monagikatigektun havaagini ayoknaetpan. Piyageklotik manikhaakhanik amigiyotinun atoktukhanik neovgutikhanik, aleahuknikun nikikhaniklo ikalokheoktonilo. Nulogin neovgutikhanik amigiyutaoyok ikalokheoktoloanin amigiyotinun unipkageaganilo tamaeta ikaloktaoyun.
Inuhikmi, Iltkohikmi, Manikhakheogutinilo	
Atokpaaligeagani manikhakheogutao-teaktok aolanikateaktoklo ikalokheok-nik piyotikaktomik nikiteanik pivaali-gotaoyok inuhikni manikhakheogutinilo ikayutinik, ikalogeaknigin naamaenak-lotik hivunikhami pitkohikhaenik.	<ul style="list-style-type: none"> Ikayoklogin havaan atoknikhaoyaagani nunagiyaoyoni ikalolikiyotin havaktukhalo naamaenageagani. Ikayoklogin atuligumayaen agiklivaaligeagani namikhakheogutoateageagani ugahitkiyani kukani ahenilo ikalokheokvoeyun nunan. Atokhimaklogin ilipkamaenaklogilo nunagiyaoyomi taemanilo ikalokhoeknikun hulilogagun nunalo.
Maligoateaknik	
Atokpaaligeagani maligoateaknik maliganik, maligoayunik, monagiyotilo nutugitaagani atokhimagineageaganilo ikalokheoknik.	<ul style="list-style-type: none"> Atokpaaligeagani maligoateaknik ilihaenikun monagikatigeknikulo. Havakatigiteaklogin nunagiyaoyomi Kitikmeonilo anguhikiyin. Atokpaaligeagani maligoateaknik uvuna takukhaovaaliklotik, amigiyotinik, ilitohaeginaklotiklo havaani.

6 TIKITAOLAKNIGA HUMENIGALO

Neovgutikhanik ukomaetilaaginik ikaloktakhan inigekhimayun atuni imavalokni, okaotaoyunik Naonaepkotimi V-mi *Nunateami Ikalolikinikun Maligoagakhani*. Tamaeta imavaloen ikaloktakhanik ukomaetilaaginik pikaktun; ila, tamaeta ikalokheoktin laesikaktun neovgutikhanik ikalokheogeamikni toniyaovaktun imaknik ikalokheoktoni tamaeni ikalogeagani ukomaetilaaganik ikaloktakhan talvani imakmi. Pikagitok inukmin ikaloktakhaenik ukomaetilaaginik neovgutikhanik ikalokheoknikmi. Neovgutikhanik ikalokheoknik akmakpaktok ukeotoagaagan Aalagukniganik Pikoyaoyomik, umikpakhonilo Kaoyiyunmik Umiknigagun ukumaetilaagin ikaloktakhan naatkagata. Neovgutikhanik ikalokheoktun laesikhaen tuniyaovaktun ikalokheoktinun ilagun Oegoani 7 *Ikalolikinikun Maligakyoami*.

Naonaepkun 3 takupkaktitiyok taya ukumaetilaaginik neovgutikhanik ikaloktakhanik nalaoneakhogin ukumaetilaagin kilograni hunagaeyakavukhimayun (ihoaktok ikaloen kanoginigin ukumaetilaaknigilo ikaloktaoyukhan, okaotaoyun Naonaepkun V-mi) halomateakhimayulo ukumaetilaagin (kanoginiga kititiyulo titigageagani ikaloktaoyun).

Naonaepkun 3: Ukomaetilaagin Ikaloktuteami Ikalopiknik neovgutikhanik ikalokheoknikmi.

Humi	Ukomaetilaagin (Kilograni, Hunagaetun)	Nunigin Ukomaetilaaginik (Paonsni, Halomateakhimayun)
Ikaluktumi	20,000	36,744
Halokvikmi	5,000	9,186
Jayko-mi Kukami	17,000	31,232
Paalikyoami	9,100	16,718
Palikmi Kukami	2,400	4,409
Tamaeta Ataotimun	53,500 Kilogra-guyun	98,289 Paons-goyok

7 MONAGIYOTIKHAN ATOKHIMAKTILOGO OPALOGAEYAON

Monagiyotinun ihoakotin okaotaoyun amigiyotin maligoagakhalunen atogeakaktun ikalokheoknikmi, ikaloelo nugutaeliniginik atokhimagineaganilo monagiyotinun ihoakotin. Monagiyotinun ihoakotin Ikaloktuteami Ikalopiknik neovgutikhanik ikalokheoknikmi ilakaktok monagiyotin ukomaetilaaginik, akmagniginik kaoyiyotiniklo umikpan ikalokheoknik; laesilikiyotin; unipkaageami atogeakaktun, ukoalo ahenik ikaloktaoyun aolaktitaoyulo atokniginiklo makpigaa naonaepkotikakven. Ukoal ihoakhaotin ikayoktaoyun monagikatigegutinin ihoahakhimayomik nakunihalo pitkuheoyun inigekturn Ikalotuteami Ikalopiknik neovgutikhanik ikalokheoknikmi (takologo Oegoani 8). Naonaepkun 4 pikaktok kanoginiganik monagiyotinun ihoakotinik taya atoktaoyonik.

Naonaepkun 4: TAYA MONAGIYOTINUN IHOAKOTIN IKAOKTUTEAMI IKALOKPIKNIK NEOVGUTIKAGEAGANI IKALOKHEOKNIK

Monagiyotinun Ihaokun	Okateakniga
Humenigin	<ul style="list-style-type: none"> Neovgutikhakheokveoyun imavaloen okaotaoyun Maligaokhani. Imavaloen akmagaoyun ukeotoagaagan Aalaguknikata Pikoyaoyun
Ukomaenigin	<ul style="list-style-type: none"> Inigekhimayun Maligoakhani atuni neovgutikhakheokveoyoni imavalokni. Tamaeta imavaloen manikhakheogutaotealaktun ukomaetilaagin. Pikagitok inukmin ikaloktakhaenik piyotikaktoni neovgutikhanik ikalokheoknikmi.
Laeseoyun	<ul style="list-style-type: none"> Piyageakaktok neovgutikhanik ikalokheokan.
Kanogitunigin, nuna ikaloktoayulo kiklikhaen	<ul style="list-style-type: none"> Kanogitunigin imavaluelo ikalokheokveoyukhan okateakhimayun. Ukomaetilaagin okateakhimayun Kilogramni, Hunagaeyakhimayun Ukomaetilaagin.

Monagiyotinun Ihaokun	Okateakniga
	<ul style="list-style-type: none"> • Nutiknigin piyotin okateakhimayun, piyageakakan. • Amigaenigin okateakhimayun tameni manikhakheogutaotealaktoni ukomaetilaagin kahaktun.
Ikalokheokvik Ukeomi	<ul style="list-style-type: none"> • April 1-min March 31-mun, ukeotoagaagan.
Kaoyipkaeyotin umikniganik	<ul style="list-style-type: none"> • Manikhakheogutikhak ukomaetilaaga naatpan, imaoyok umikpaktok neovgutikhanik ikalokheokveoyaagani. • Inoen kaoyipkagaoneaktun, toniyaohimayomik Ikalolikinikkun Atanguyamin.
Ikalokheogutaoyun	<ul style="list-style-type: none"> • Mikinikhan kuvyan aginigin 139 milametoayok (5 napaaniklo intinik). • Atoka hapun, pigahunun aviktokan hilikniga kukam, ataohik hilikniga akmaomaenakneaktok.
Igitaoyun	<ul style="list-style-type: none"> • Ikaloen igitaoneakun atikhilikhimayoni nunami, ileogaevikhaeni.
Ikagaoyun Aheniklo Ikaloktaoyn	<ul style="list-style-type: none"> • Tamaeta igitaoyun Ikalokpen, ukoalo nanminik nikikhan, titigageakaktun makpigaani naonaepkotini. • Ahenik ikaloktaoyun titigageakaktun makpigaani naonaepkotini, tikaoklogin ukoal inum nikikhaen ukoalo igitaoyun.
Unipkageakakniganik Atugeakaktun	<ul style="list-style-type: none"> • Unipkaaknigin nunalitaoyun piyageakaktaan neovgutikhanik ikalokheoktunin. • Titigaknigin tamaeta ahenik ikaloktaoyun igitaoyulo makpigaani naonaepkotini. • Neovgutikhanik ikalokheoktun nalaomayomik tamatkeomalogilo titigageakaktaen ikalokheoknikun hulilogaagutin, ikaloktaoyulo aktoknigilo atuni kuvyan iliyoayun hapotinilunen nunalitaoyun, pikoyaoyoni titigakvikhani naonaepkotnik. Titigakvikhak toniyaoneakok DFO-konin kilaminoak ikalokhoegeagaagata. Titigaakhan naonaepkotnik kahaktun HTO-konin Kitikmeonilunen Nikilikivikmin. • Kitikmeoni Nikilikivik pineakun unipkaamik atuni aolagutinik, uplokaktomik, humigaakal uplokheon, humi, ataotimeoyun pulu napaen, ikaloktaoyulo akitonigin. Kahaktaohimagitok Nikikhak Ilitokhakniga-gun Unipkaak namagiyaoginaktok. Atuni aolaknik kayomiktukun aolaktitageakaktok kagitaoyakulunen titigiveoyukun DFO-konun uploani aolknigiyani.

8 MONAGIKATIGEGUTIN

IFMP-goyok Ikaoloktuteami Ikalopiknik neovgutikhanik ikalolikinik aolaktigeakteayok havaagiyaovlonilo Ikaloktuteami Ikalokpen Ihoakhaeyinin 2010-mi. Ilaoyun Ihoakhaeyini ilakaktun kivgaktoktinin HTO-konin (Ikhivaotaokataoyok), Kitikmeoni Nikilikivikmin, neovgutikhanik ikalokheoktunin, nunagiyaoyumi inikneoyonik, Havakveoyok Avatiliyiinin, Ikalolikiyiin Nattiliyiilo Havakvean, DFO-kunilo. Inulgamen nunagiyaoyomi sikukviknin ilaotkoyaoginaktun inikaktitaolotik Ihoakhaeyini Havakatigeni.

Titigak ikayutaoyok NWMB-konin pihimayok Ihoakhaeyinin Havakatigenin 2011-mi ikayoktoknigakhotik havaaginik Ihoakhaeyini Havakatigenin pivaleaniganiklo monagiyotinun opalogaeyaon. Ihoakhaeyin unipkaapkaktun aolanigiyamiknik ilaoyonun timeoyonun ukunugalo NWMB-konun, Kitikmeoni Nunami Angutikhaliyin Katimayinun, Nunavut Tungavitkonulo. Katimahimayun Ikaloktuteami ataohekhotik ukeotoagaagan 2010-min. Atuni katimanik ilakaktok nunagiyaoyonik okakatikagninik piyaagani nunagiyaoyomin ihomagiyaoyun Ikalokpen monagiyuhunun, piyotaoyonik, managiyotinulo ihoakotinik naonaeyaeyotilo ilitokhaotinik.

NAKUNIKHAN MONAGIYOTINUN PITKOHEOYOK – SPAWNERS

Ikayoktokhigin hivunikhami aneagitaagani Ikalokpen atokhimaagineganilo ikalokheoknik, atoknikaktok mikhivaaligeagani aktogutaolaktun ikalokan amigaeniginik. Pikaginiga iklikmiknugaoyun huvaeyageamikni ikalovalokni ihoetomi aktoktoagitaagani neovgutikhanik ikalokheoknikmin. Huvakaktun kuvyagaagata ikalokheoktoni, umakpatalo, tamaeta hovakaktun Ikalokpen aolaktitaoyukhaogaloen kuvyakvenin, ila aniktaelilogilo. Takuyaokpata hapotinun ilalokheogutini, tamaeta huvalgit Ikalokpen aokatitakhaogaloen anikhimaetomik. Uko ahoaknikhan pitkoheoyun taya atoktun neovgutikhanik ikalokheoktoni.

9 MALIGOAGUTIKHANUN OPALOGAEYAON


DFO-koni Nugutaeliyotini Amigiyotinilo havaagini pikoeyun maligoateakniginik maligoaleoktaoyun, maligakan monagiyotinulo ihoakotin atoktun piyaagani nugutaelinigin atokhimagineganilo Kanatami imakmeotan ihoakotin. Ikalolikinikun Atangoyan amikhivaktun, ikayoktaovlotiklo Nunavumi DFO-konin havaktinin ikayoktoevaktun amikhiyotinik, unipkaanik, ilihaenikmik monagikatigegutikhaniklo pivaktun. Ikalolikinikun Atangoyan okaohikaktun ikalokheoknik atogeakniganik monagikatigegutinik polagaagamik Ikaloktuteamun hulilogakatigivakhotilo nunagiyaoyoni ihoakotinik atoktun, ikalokheoktun ikalolikiyilo. Kigoani ikalokheoktagaagata naonaeyaotinun katimanigin atokpaktun ihivgeokgeagani ihomagiyaoyun atoktaohimayu kigulikmi ikalokheoknikmi pivakhotiklo atolikuyaoyunik ihoakhivaaligeagani monagiyutinun ihoakotin.

10 HAVAOHIKNIK IHIVGEOKHIYUN

Una IFMP-goyok ihoakhakhimayok okakatigeknikun ukoalo ihoakotinik atoktun, monagikatigekto timeoyun, ikaoyulo. Neovgutikhan ikaloktaoyun Ikalokpen amigaenigin Ikaloktuteam hanani ilitokhaktaoginakneaktun monagikatigektonin ihoakotini atoktonik ila, amigaetoni ukeoni ikalogeaknigin ilitokhaknigilo naonaeyaktinilo ihomaleogutikan. Amiginiga ikalokheokneom inikneakok atoklotik malguknik ihoakutiknik uplotoagaagalo unipkakniginik ikaloktaoyun, ukomaetilaagilo amigyaolotik, titigakpknigilo ikaloktaoyun, naonaeyakhimakinaklogilo kanoginigin.

Ikalokheoktakata ihivgeoknigin pineaktun kagugugaekpan ilao yolo IFMP-milo Ihoakhaeyin. Aolaniga piyaagani tayakavuk piyotikhanik ihoaktoniklo atokpaleanigagun monagiyotinun ihoakotin okaotayun uvani Monagoyotini Opalogaeyaonmi ihivgoektaoneaktun. Atulikoyaoyun ihoakhivaaligeagani monagiyotin Ikaloktuteami Ikalokpiknik neovgutikhanik ikalokheoknimi ihoakhaktaoneakun atuligeagani hivunikhami piyotikhan atokhimaaginageagani nugogiloni ikalokheoknik.

Titigaoyakniga 1: Nunaoyak Nunavumi Nunatakveoyomik takukhaoteaktitogu Kitikmoen Nunagiyaan nunagiyaoyoklo Ikaluktuteak.



Titigaoykniga 2: Nunaoyok Ikaloktuteam haneani ninan taya neovgutikhanik ikalokheokveoyun.

